

ԿԱՐԻՆԻ (ԷՐՁՐՈՒՄԻ) ՆԱՅԱՆԳԻ ԴԻԱԴԻՆԻ ԳԱՎԱՌԱԿԸ
(XIX դ. երկրորդ կես)

ՀՈՎՀԱՆՆԵՍ ԶԱՏԻԿՅԱՆ

XIX դ. երկրորդ կեսին թուրքական բռնատիրությունը պետական ծրագիր դարձրեց քրիստոնյա հայատականների ձուլման քաղաքականությունը: Օսմանիզմի դադարախախտությունը ձգտում էր հպատակների ուժացման ճանապարհով պահպանել «վաթանի» ամբողջականությունը՝ սրով նվաճված «հայրենիքը» պաշտպանել սրով: Քրիստոնյա հպատակներին ենթարկելով տնտեսական, քաղաքական ու կրոնական հալածանքների, թուրքական վարչակարգը համոզված էր, որ արևմտահայությունը այդ գեզենից դուրս գալու երկու ճանապարհ է մնում՝ կամ ընդունել մահմեդականություն, կամ ենթարկվել գաղթի: Սակայն երբ Սան-Ստեֆանոյում և Բեռլինում բարձրացվեց Հայկական հարցը, արյունարբու սուլթան Աբդուլ Համիդ երկրորդն ընտրեց արևմտահայության բնաջնջման քաղաքականությունը: Ներկայացնելով 1895–1896 թթ. կոտորածները որպես հայ-քրդական ազգամիջյան բախումներ, բռնապետը լուծեց հայության խնդիրը, նրան զրկելով իր հայրենիքում ապրելու իրավունքից և հետաքրքրվող երկրներին ապակողմնորոշելու համար սկսեց կեղծել կատարվածը, միջազգային ասպարեզ նետեց իրականությունը չհամապատասխանող վիճակագրական տեղեկություններ, որոնք «ապացուցում» էին, որ հայերը կազմում են բնակչության չնչին հատվածը, որ կոտորածներին զոհ դարձած 300000 հայերի մասին խոսակցությունը չի համապատասխանում իրականությանը:

Թուրքական կեղծարարության բացահայտումը միշտ էլ գտնվել է հայ պատմագրության ուշագրություն կենտրոնում: Սակայն այդ ընդհանուր գաղտի վրա թերի է մնում ժողովրդագրության բնագավառը, որը ճշմարտության բացահայտման կարևոր լծակներից մեկն է:

Ներկայացվող հոգվածը նպատակ ունի Կարինի նահանգի Դիագինի գավառակի օրինակով ցույց տալ այդ հրեշավոր ծրագրի ազդեցությունը ժողովրդագրության փոփոխության վրա, ծրագիր, որի օգնությամբ հայաթափվեց Արևմտյան Հայաստանի տարածքի մեծ մասը, այդ թվում նաև Դիագինի գավառակը:

Դիագինի գավառակը տարածքով համընկնում է պատմական Ծաղկոտն գավառին: Գավառակը հյուսիսում սահմանակից է Երևանի նահանգին, հարավում՝ Վանի նահանգին, արևելքում՝ Բայազետի գավառակին, արևմուտքում՝ Կարաբիլիսեի գավառակին: Գավառակով հոսում է Արածանին իր ընդամենի վտակներով, որոնք ոռոգում են Այաշկերտի գաղտի մաս կազմող Դիագինի դաշտը: Կարենցին այս առթիվ գրում էր. «...աստի ելան է մեծ մասն Եփրատայ, և քուքուրգ բազում, և զնացեալ ի մէջ դաշ-

տին, և լինի գետ մեծ և անհուն»¹: Գավառական ունի հիասքանչ բնություն, խոտավետ սարալանջեր, սառնորակ աղբյուրներ, ծառաստաններ: Ղ. Ինճիճյանը, նկարագրելով գավառակը, գրում էր. «'ի գարնանային ժամանակս առհասարակ չքնաղ վայելչությամբ զարգարի բիւրազգի երփնեւրանդ ծաղկոց, որոյ վրա 'ի վաղ ժամանակաց անտի եղաւ անվանուն ծաղկոց»²:

Արածանու հմայիչ ձորը, որը նաև գետի հունն էր, Ա-Դոն նկարագրում է այսպես. «Լեռ քարերի վիթխարի ձուլվածքներ, շեշտակի բարձրանում են վեր, ինչպես պարիսպներ, մեջտեղ թողնելով մի անցք եփրատի կոհակների համար. այդ ձուլված կողերը և՛ բարձր են և՛ գեղեցիկ և՛ տպավորիչ. կարծեք մարդկային ձեռքը հղկիչ գործիքներով հղկել է այդ քարափ պարիսպները»³:

Դիագիսից 5-6 կմ հարավ գտնվում է բնական կամուրջը, որն ունի 21մ բարձրություն: Այն ծծմբակրաքարային ծագում ունի և հանդիսանում է դրանց միացություն արդյունքը: Կամրջի տակով «գալարվող եփրատը հմայք ու երկիւղ է ազդում»⁴, - գրում էր Ա-Դոն: Կամրջի երկու կողմերում բխում են հանքային ջրեր: Կամրջից փոքր-ինչ վերև Գերմավն է՝ հանքային ջրերի աղուները, որն ամռանը վեր է ածվում բազմամարդ բուժարանի:

Գավառակի հաջորդ հրաշալիքը Ուչքիլիսայի վանքն է: Այն գտնվում է Դիագիսից 15 կմ հեռավորության վրա, Նպատ լեռան հյուսիսային լանջին: Բազավանի հինավուրց Ս. Հովհաննես վանքը կառուցված է եղել նախկին հեթանոսական տաճարի տեղում: Վանքում տեղի են ունեցել եկեղեցական ժողովներ, այնտեղ է օծվել Դանիել Սուրմալեցի կաթողիկոսը: Վանքը շրջապատված էր պարիսպներով, ուներ ընդարձակ կալվածքներ, ջրաղացներ, անասունների հոտեր և նախիրներ: Գավառակի բնակչությունը հիմնականում զբաղվում էր երկրագործությամբ ու անասնապահությամբ: Փոքր թիվ էին կազմում արհեստավորներն ու առևտրականները: Ա. Կոլյուբակինը հայտնում է, որ գավառակում եղել են 125 բնակավայրեր, որոնք ունեին 1583 տուն, դրանցից միայն 72 էր հայկական⁵: Նույն հեղինակն այնուհետև նշում է, որ գավառակն ունեցել է 36 գյուղ, 513 տուն, որից միայն 20 տունն էր հայկական⁶: Ալ. Երիցյանը գավառակում հաշվում է 16 գյուղ՝ 11-ը քրդական, 2-ը եզիդական, 2-ը հայկական, 1-ը խառը բնակչությամբ: Քրդերը ունեին 1598 տուն, եզիդները՝ 82, հայերը՝ 41 տուն, ընդամենը՝ 1728 տուն: Բնակչության քանակը 11028 էր, որից 10140-ը՝ քրդեր էին, 510-ը՝ եզիդներ, 378-ը՝ հայեր: Համաձայն հեղինակի

1 Հ. Կարենցի. Տեղեկագիր Վերին Հայոց. Վաղարշապատ, 1903, էջ 21:

2 Ղ. Ինճիճյան. Աշխարհագրություն չորից մասացն աշխարհի. Հ. Ա. Վենետիկ, 1806, էջ 115:

3 Ա - Դ ո. Վանի, Բիթլիսի և էրզրումի վիլայիթները. Երևան, 1912, էջ 207:

4 Նույն տեղում:

5 А. К о л ю б а к и н. Материалы для описания Персии, Азиатской Турции и Закавказского края. Тифлис, 1888, с. 280 - 281.

6 Նույն տեղում, էջ 254, 255:

դասակարգման, քրգերը կազմում էին բնակչության 92 տոկոսը, եզիդները՝ 4,5, հայերը՝ 3,5 տոկոսը⁷:

Վ. Քինեի վիճակագրությանը, գավառակում ապրում էին 10706 մահմադականներ, 364 շունչ հայեր, 88 շունչ այլազգիներ, ընդամենը 11158 շունչ բնակչություն⁸:

Կարինի առաջնորդարանի տեղեկությանը, գավառակում կային 7 հայկական գյուղեր, որոնք ունեին 156 տուն, 1092 շունչ բնակչություն⁹: Հեղինակներից մեկի վկայությանը, 1878 թ. գավառակն ուներ 78 բնակավայր, 1600 տուն, 12000 շունչ բնակչություն¹⁰:

1886 թ. գավառակն ունեցել է 1178 տուն, 11748 շունչ բնակչություն, 88 գյուղ, յուրաքանչյուր գյուղ ունեցել է 20 տուն, 133 շունչ բնակչություն, այսինքն ամեն տուն ունեցել է 6,6 շունչ բնակչություն: Նույն փաստաթղթում նշված է նաև, որ 1886 թ. գավառակն ունեցել է 73 գյուղ¹¹: Տեսնում ենք, որ հավատ ընծայել այս իրարամերժ վկայություններից որևէ մեկին, հնարավոր է: Գ. Արվանձտյանցը առանձին վիճակագրություն չի թողել գավառակի մասին: Սակայն նրա կազմած «Բայագետ և Ալաշկերտ» ցուցակում տեղ են գտել գավառակի 3 գյուղեր¹²:

Թերևս իրականությանը մոտ է Կարինի առաջնորդարանի տեղեկությունը, բայց այն էլ սահմանափակ է ներկայացնում թե՛ գյուղերի, թե՛ բնակչության քանակը: Ձեռքի տակ չունենալով առավել փաստաթղթի վիճակագրական տեղեկություն, Կարինի առաջնորդարանի հաշվումները ընդունենք որպես միայն 7 գյուղերի մասին հիշատակություն և դիմենք միջինի տարբերակին: Հաշվարկի արդյունքում ունենում ենք 2969 բնակավայր, 1481 տուն, 44 գյուղ, 11874 շունչ բնակչություն, որից 31 գյուղ, 42 տուն, 611 շունչը հայեր:

Վ. Քինեից և Ա. Կոլյուբակինից կատարված մեջբերումները նաև ապացուցում են, որ պաշտոնական, անաչառ վիճակագրության բացակայության պայմաններում, հենվելով թուրք պաշտոնյաների կողմնակալ հաղորդումների վրա, ստեղծվում է իրականությանը չհամապատասխանող «վիճակագրություն», որը հաստատում էր պետական կեղծարարությունը, քողարկում ջարդերի և ուժացման քաղաքականությունը:

Գավառակի կենտրոնը Իիադին (Թիագին, Տիատին) գյուղաքաղաքն էր: Այն գտնվում էր Լայադետից արևմուտք, նրանից 38 կմ հեռավորության վրա, Արածանիի աջ ափին, Հ. Կարնեցու բնորոշմամբ՝ «ի գլուխս դաշտին» Գռնավուկ¹³:

7 Ա. Լ. Երիցյան. - Թե Տաճկական Հայաստանում որքա՞ն հայ կա. - «Փորձ», 1880, №6-7, էջ 11:

8 Ա. - Դ. ո. նշվ. աշխ., էջ 236-237:

9 Նույն տեղում:

10 Տեղանունների բառարան (այսուհետև՝ ՏԲ). հ. 2, Երևան, 1988, էջ 97:

11 Հայաստանի պատմության կենտրոնական պետական արխիվ (այսուհետև՝ ՀՀ ՊԿՊԱ), ֆ. 476, ց. 1, գ. 180, թ. 61, 65:

12 Ե. Չարենցի անվան գրականության և արվեստի թանգարան (այսուհետև՝ ԳԱԹ), Թ. Ազատյանի ֆոնդ, գործ 23, թ. 11:

13 Հ. Կարնեցու նշվ. աշխ., էջ 21:

Ուսումնասիրողների մի մասը գտնում է, որ գյուղաքաղաքի անունը ծագել է Դիատուն ըստից, որը կապված էր 371 թ. Ջիրավի ճակատամարտում զոհված Հայ և Հույն զինվորներին այդ վայրում թաղելու հետ: Այնուհետև նույն վայրում հիմնվում է բնակավայր և ստանում Դիադին անունը: Քաղաքը թեև գտնվում էր Տրապիզոն-Կարին առևտրական ճանապարհի վրա, բայց ակտիվ մասնակցություն չունեցրեց առևտրական գործարքներին: Ծիչտ է, քաղաքում գործում էին 40-50 կրպակներ, սակայն դրանք նույնպես անմասն էին այդ ասպարեզից և բավարարում էին միայն տեղական պահանջները: Մինչև XIX դ. 20-ական թվականները քաղաքի բնակչությունը մեծամասնությունը կազմում էին Հայերը: Դարի երկրորդ կեսից իրավիճակը կտրուկ փոխվեց և արդեն 70-ական թվականներին Դիադինը կիսահայաթափված մի բնակավայր էր: 1894-1896 թթ. կոտորածներից հետո Հայ ազգաբնակչությունը գրեթե վերացավ և նրանց տեղը զբաղեցրին մահմեդական տարբեր ցեղեր, խաթարվեց տնտեսական ու մշակութային բնականոն զարգացումը, ասպարեզից անհետացան բնիկ Հայ ժողովրդի հոգևոր և մշակութային արժեքները:

Ղ. Ինճիճյանը վկայում է, որ XIX դ. սկզբներին գյուղաքաղաքն ունեցել է 500 տուն Հայ և քուրդ բնակչություն¹⁴: Կարինի առաջնորդարանի վիճակագրությունը, 70-80 տարի անց, քաղաքում մնացել էր միայն 15 տուն Հայություն¹⁵: Հեղինակներից մեկն էլ վստահեցնում է, որ 1880 թ. քաղաքն ուներ 80 տուն խառը բնակչություն¹⁶: Եթե, բացի Կարինի առաջնորդարանի տեղեկությունից, կիսենք տների քանակը, ապա միջինում կունենանք 103 տուն, 721 շունչ Հայ բնակչություն: Համեմատություն կատարելով դարասկզբի և դրանից շուրջ 70 տարի հետո գոյություն ունեցող ցուցանիշների միջև, պարզվում է, որ եթե դարասկզբին Հայերն ունեին 250 տուն, 1400 շունչ բնակչություն, ապա 70 տարի հետո 235 տնով, 1310 շնչով պակասել էր Հայերի քանակը, ինչը արդյունքն էր տիրահազակ օսմանիզմի քաղաքականության: Այս, գրեթե անհավատալի վիճակագրությունը ցույց է տալիս, թե թուրքական բռնատիրությունը ինչ արագությամբ էր իրականացնում հայաթափման գործընթացը: Եթե այս ամենին գումարենք նաև համիդյան կոտորածների պատճառած վնասները և կորուստները, պատկերը ավելի քան հստակ կլինի:

Գավառակի նշանավոր գյուղերից էր Կարաբաղարը (Գարաբաղար, Խարաբաղար, Ղարաբաղար): Այն գտնվում էր Դիագինից Հյուսիսարևմուտք, Ուչքիլիսայի Ս. Հովհաննես վանքի հարևանությամբ: Բնակչությունը հիմնականում զբաղվում էր գյուղատնտեսությամբ, անասնապահությամբ, կային նաև տեղական պահանջները բավարարող արհեստավորներ: Գյուղն ուներ Ա. Աստվածածին անունով գործող եկեղեցի, որի հասույթը կազմում էր 500 լիրա ներքին և 1000 լիրա պաշտոնեից հասույթ: Տրդատյան վարժարանն ուներ 500 լիրա հասույթ և 25 աշակերտ¹⁷:

14 Ղ. Ինճիճյան. նշվ. աշխ., էջ 115:

15 ԳԱԹ, Թ. Ազատյանի ֆոնդ, գործ 23, թ. 11:

16 ՏՔ. հ. 2, էջ 973:

17 ԳԱԹ, Թ. Ազատյանի ֆոնդ, գործ 23, թ. 11:

1877–1878 թթ. գյուղն ուներ 30 տուն բնակչություն¹⁸: Կարինի առաջնորդարանի վիճակագրությամբ գյուղի բնակչությունը 20 տուն էր¹⁹: Նույն վկայությունը հաստատում է նաև Գ. Սրվանձտյանցը²⁰: Միջինում կունենանք՝ 23–24 տուն, 161–168 շունչ հայ բնակչություն: Համիդյան կոտորածներից հետո գյուղը գրեթե հայաթափվեց, ապա այնտեղ բնակություն հաստատեցին շրջակա գյուղերից գաղթած հայեր, որոնք էլ զոհ գնացին Մեծ եղեռնին:

Գումուլպուճախ (Ղումուլպուճախ, Ղումլիբուջախ) գյուղը գտնվում էր Դիագինից հյուսիս-արևմուտք, նվառ լեռան ստորոտում: Ս. Աստվածածին եկեղեցին գործող էր և ուներ 500 լիրա հասույթ: Խորովյան վարժարանի հասույթը կազմում էր 500 լիրա: Վարժարանում սովորում էր 30 աշակերտ: Գ. Սրվանձտյանցի վիճակագրությամբ գյուղն ուներ 24 տուն, 200 շունչ հայ բնակչություն²¹: Կարինի առաջնորդարանը վկայում է 35 տուն հայերի գոյություն մասին²²: Միջինում կունենանք՝ 32 առև, 224 շունչ հայ բնակչություն:

Ջուջան գյուղը տեղավորված էր Դիագինից հյուսիս-արևմուտք, Սեյտո և Բուղազի քղաբնակ գյուղերի հարևանությամբ: Գավառակի ամենահայաչատ գյուղն էր, ուներ 45 տուն բնակչություն²³: Գ. Սրվանձտյանցի վիճակագրությամբ, գյուղն ունեցել է 29 տուն, 250 շունչ հայ և 120 շունչ քուրդ բնակչություն²⁴: Միջինում կունենանք՝ 37 տուն, 249 շունչ հայ բնակչություն: Ս. Աստվածածին գործող եկեղեցին ուներ 1500 լիրայի ներքին և սլաշտոնեից հասույթ: Սմբատյան վարժարանի հասույթը կազմում էր 500 լիրա, որը գոյանում էր հանգանակություններից: Վարժարանում սովորում էին 37 սաներ²⁵:

Գավառակի նշանավոր հայաչատ գյուղերից էին նաև Ուչքիլիսան, Միրզաջանը, Աղբաձորը, Գորանին, Գմբեթը, Դավթին, Լեչկոն, Մարտիկը, Սորան:

Գավառակի Հայ բնակչությունը, դտնվելով աննախադեպ հավածանքների ու կոտորածների, բռնի կրոնափոխման վտանգի առաջ, հետզհետե նվազել է: Վերցնենք թեկուզ Կարաբազար և Ջուջան գյուղերի օրինակը: 1878–1912 թթ. ընկած ժամանակամիջոցում նշված գյուղերը փոխանակ բնական աճի շնորհիվ ավելացնեին բնակչության քանակը, ընդհակառակը, կրեղ են համապատասխանարար 10 և 16 տների կորուստ: Այն դեպքում, երբ գրեթե 35 տարիների ընթացքում, բնական աճի շնորհիվ, նշված գյուղերը ունենալու էին առնվազն 12 տների աճ, որով բնակչության քանակը կհասներ 284-ի և 399-ի, տների քանակը 42-ի և 57-ի: Մինչդեռ նշված ժամանակահատվածում նույն գյուղերը տվել են 10 և 16 տան կո-

18 ՏԲ, Հ. 2, էջ 973,

19 Ա – Դ. ո. նշվ. աշխ., էջ 210:

20 ԳԱԹ, Թ. Աղատյանի ֆոնդ, գործ 23, թ. 11:

21 Նույն տեղում:

22 Ա – Դ. ո. նշվ. աշխ., էջ 210:

23 Նույն տեղում:

24 ԳԱԹ, Թ. Աղատյանի ֆոնդ, գործ 23, թ. 11:

25 Նույն տեղում:

ընկալ, ասել է՝ բնակչությունը համապատասխանաբար նվազել է 70 և 112 շնչով:

Նույն պատկերն էր տիրում նաև գավառակի մնացած գյուղերում: Եթե որևէ գյուղում նկատվել է անգամ աճ, ապա դա ոչ թե բնական աճի արդյունքն է, այլ ներգաղթողների:

Թուրքական բռնատիրությունը, օգտագործելով ընձեռված հնարավորությունը, իր վարած հայակուլ քաղաքականությունը կառուցելով մեծ տերությունների Հայկական հարցում տարաձայնությունների վրա, կարողացավ իրականացնել պատմական հայրենիքից արևմտահայության ոչնչացման ծրագիրը, այդ գործընթացի հաջողության մեջ տեսնելով նվաճված «վաթանի» ամբողջականության պահպանումը:

ДИАДИНСКИЙ УЕЗД КАРИНСКОЙ (ЭРЗРУМСКОЙ) ГУБЕРНИИ
(Вторая половина XIX в.)

ОВАНЕС ЗАТИКЯН

Р е з ю м е

В статье представляются историческое прошлое, экономическая и культурная жизнь, национальный состав Диадинского уезда, уточняется количество армянского населения, его роль в экономической жизни уезда, выясняется суть антиармянской политики Османской империи, которая играла решительную роль в сокращении количества армянского населения.

DIADIN DISTRICT OF KARIN (ERZURUM) PROVINCE
(The second half of the 19th century)

HOVHANNES ZATIKYAN

S u m m a r y

In the article the historical past, economic and cultural life, the national structure of Diadin district are represented. The amount of Armenian population, its role in economic life of the district is defined. The essence of the anti-Armenian policy of the Ottoman Empire, which played the decisive role in the reduction of the amount of Armenian population are presented.